



**დმანისის მუნიციპალიტეტის საკრებულო
განკარგულება**



განკარგულება:გ-109. 109260232

თარიღი:23/01/2026

„დმანისის მუნიციპალიტეტის 2026 წლის განათლების, კულტურის, სპორტისა და ახალგაზრდობის ხელშეწყობის ქვეპროგრამების განხორციელების წესების დამტკიცების შესახებ“ დმანისის მუნიციპალიტეტის საკრებულოს 2025 წლის 24 დეკემბრის Nგ-109.109253581 განკარგულებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის შესაბამისად, დმანისის მუნიციპალიტეტის საკრებულომ გადაწყვიტა:

1. „დმანისის მუნიციპალიტეტის 2026 წლის განათლების, კულტურის, სპორტისა და ახალგაზრდობის ხელშეწყობის ქვეპროგრამების განხორციელების წესების დამტკიცების შესახებ“ დმანისის მუნიციპალიტეტის საკრებულოს 2025 წლის 24 დეკემბრის Nგ-109.109253581 განკარგულების „ბ“ ქვეპუნქტით დამტკიცებული „დმანისის მუნიციპალიტეტში უმაღლესი განათლებისა და ჯანსაღი ცხოვრების წესის პოპულარიზაციის მიზნით, წარჩინებულ სტუდენტთა და წარმატებული (პრიზიორი) სპორტსმენების წახალისების ქვეპროგრამის განხორციელების წესის“ (დანართი N2):

ა) მე-4 მუხლი ჩამოყალიბდეს ახალი რედაქციით:

„მუხლი 4. ყოველთვიური წახალისების მისაღებად წარჩინებულ სტუდენტთა მიერ წარმოსადგენი დოკუმენტაცია

ამ წესის მე-3 მუხლით გათვალისწინებული ყოველთვიური წახალისების მისაღებად ყოველი ახალი სასწავლო სემესტრის დასაწყისში (1 მარტიდან 15 მარტამდე და 1 აგვისტოდან - 15 აგვისტომდე) სტუდენტებმა მერიაში უნდა წარადგინონ:

- ა) განცხადება;
- ბ) პირადობის დამადასტურებელი დოკუმენტის ასლი;
- გ) დმანისის მუნიციპალიტეტში რეგისტრაციის შესახებ ამონაწერი (საინფორმაციო ბარათი);

დ) სოციალურად დაუცველი სტუდენტების შემთხვევაში ცნობა ან ამონაწერი სოციალურად დაუცველთა ერთიან მონაცემთა ბაზაში რეგისტრაციის თაობაზე;

ე) ცნობა (დედანი) აკრედიტირებული უმაღლესი სასწავლებლიდან სტუდენტის აქტიური სტატუსის შესახებ, სასწავლო კურსისა და სემესტრის მითითებით;

ვ) სახელმწიფო აკრედიტებული უმაღლესი სასწავლებლიდან წინა სემესტრული შეფასების შესახებ ამონაწერი/ე. წ სტუდენტის ბარათი, რითაც სტუდენტის მაღალი აკადემიური მოსწრება დასტურდება საგანმანათლებლო პროგრამის ფარგლებში მიღებული შეფასებების საშუალო არითმეტიკულით ((A)ფრიადი - შეფასების 91-100 ქულა; (B) ძალიან კარგი-შეფასების 81-90ქულა);

ზ) პირადი ანგარიშის საბანკო რეკვიზიტები.“

ბ) მე-5 მუხლი ჩამოყალიბდეს ახალი რედაქციით:

„მუხლი 5. სპორტსმენების ყოველთვიური ფულადი წახალისება

1. ყოველთვიური ფულადი წახალისება გაეწევათ დმანისის მუნიციპალიტეტში რეგისტრირებულ, ან ფაქტობრივად მცხოვრებ სპორტსმენებს, რომლებიც მიმდინარე წელს ან გასული წლის ნოემბრის ან დეკემბრის თვეში გახდებიან: ინდივიდუალური სპორტის სხვადასხვა სახეობაში (დიდებში და ახალგაზრდებში) საქართველოს, ევროპის ან მსოფლიო ჩემპიონები/პრიზიორები - 100 (ასი) ლარის ოდენობით.

2. სპორტსმენზე ყოველთვიური ფულადი წახალისება (სტიპენდია) გაიცემა მხოლოდ სპორტის ერთი სახეობის მიხედვით (მიუხედავად სხვადასხვა სპორტის სახეობაში მიღწეული შედეგებისა) 12 თვის განმავლობაში.

3. სპორტსმენების ყოველთვიური ფულადი წახალისება, განცხადების წარდგენიდან ერთი წლის განმავლობაში, გაიცემა დმანისის მუნიციპალიტეტის მერის ბრძანებით, დმანისის მუნიციპალიტეტის მერიის განათლების, კულტურის, სპორტისა და ახალგაზრდობის საქმეთა სამსახურის მიერ წარმოდგენილი დასკვნის საფუძველზე.

4. ანაზღაურება მოხდება უნაღდო ანგარიშსწორების ფორმით, სპორტსმენთა პირად საბანკო ანგარიშზე, ან არასრულწლოვანების შემთხვევაში მშობლის ან სხვა კანონიერი წარმომადგენლის მიერ წარმოდგენილ საბანკო ანგარიშზე.“

გ) მე-6 მუხლის პირველი პუნქტის „ე“ ქვეპუნქტი ჩამოყალიბდეს ახალი რედაქციით:

„ე) არასრულწლოვნის შემთხვევაში პირადი, მშობლის ან კანონიერი წარმომადგენლის საბანკო ანგარიშის რეკვიზიტები.“

დ) მე-7 მუხლი ჩამოყალიბდეს ახალი რედაქციით:

“მუხლი 7. სპორტსმენების ერთჯერადი მატერიალური დახმარების (ფულადი ჯილდო) მიღების კრიტერიუმები

1. დმანისის მუნიციპალიტეტში რეგისტრირებული სპორტსმენი, რომელიც მიმდინარე წელს ან გასული წლის ნოემბრის/დეკემბრის თვეში, მონაწილეობას მიიღებს საქართველოს ჩემპიონატში (დიდებში და სხვადასხვა ასაკობრივ ჯგუფში) და დაიკავებს საპრიზო ადგილს:

- ა) I ადგილისთვის სპორტსმენზე გაიცეს 1000 ლარი;
- ბ) II ადგილისთვის სპორტსმენზე გაიცეს 800 ლარი;
- გ) III ადგილისთვის სპორტსმენზე გაიცეს 500 ლარი.

2. დმანისის მუნიციპალიტეტში რეგისტრირებული სპორტსმენი, რომელიც მიმდინარე წელს ან გასული წლის ნოემბრის/დეკემბრის თვეში, მონაწილეობას მიიღებს, ევროპის ჩემპიონატში (დიდებში და სხვადასხვა ასაკობრივ ჯგუფში) და დაიკავებს საპრიზო ადგილს:

- ა) I ადგილისთვის სპორტსმენზე გაიცეს 1500 ლარი;
- ბ) II ადგილისთვის სპორტსმენზე გაიცეს 1200 ლარი;
- გ) III ადგილისთვის სპორტსმენზე გაიცეს 1000 ლარი.

3. დმანისის მუნიციპალიტეტში რეგისტრირებული სპორტსმენი, რომელიც მიმდინარე წელს ან გასული წლის ნოემბრის/დეკემბრის თვეში, მონაწილეობას მიიღებს, მსოფლიო ჩემპიონატში (დიდებში და სხვადასხვა ასაკობრივ ჯგუფში) და დაიკავებს საპრიზო ადგილს:

- ა) I ადგილისთვის სპორტსმენზე გაიცეს 2000 ლარი;
- ბ) II ადგილისთვის სპორტსმენზე გაიცეს 1800 ლარი;
- გ) III ადგილისთვის სპორტსმენზე გაიცეს 1500 ლარი.

4. ა(ა)იპ ომარ მუმლაძის სახელობის დმანისის სპორტული სკოლის მწვრთნელი, რომლის მიერ მომზადებული სპორტსმენი გახდება საქართველოს/ევროპის/მსოფლიოს ჩემპიონი ან დაიკავებს საპრიზო ადგილს, ერთჯერადად მიიღებს ფულად ჯილდოს, მიუხედავად პრიზიორ სპორტსმენთა რაოდენობისა:

- ა) საქართველოს ჩემპიონი - 700 ლარი, II ადგილი - 500 ლარი, III ადგილი - 300 ლარი;
- ბ) ევროპის ჩემპიონი - 1000 ლარი, II ადგილი - 800 ლარი, III ადგილი - 600 ლარი;
- გ) მსოფლიო ჩემპიონი - 1400 ლარი, II ადგილი - 1200 ლარი, III ადგილი - 1000 ლარი;

დ) სხვადასხვა საპრიზო ადგილის დაკავების შემთხვევაში უპირატესობა მიენიჭება საუკეთესო შედეგს."

ე) მე-8 მუხლის მე-2 პუნქტის „ვ“ ქვეპუნქტი ჩამოყალიბდეს ახალი რედაქციით:

„ვ) სპორტსმენის დმანისის მუნიციპალიტეტში რეგისტრაციის დამადასტურებელი დოკუმენტები.“

2. განკარგულება ძალაშია ხელმოწერისთანავე.

3. განკარგულება შეიძლება გასაჩივრდეს, კანონმდებლობით დადგენილი წესით, დაინტერესებული პირის მიერ, მისი გაცნობიდან ერთი თვის ვადაში, ბოლნისის რაიონულ სასამართლოში (ქ. ბოლნისი, სულხან-საბას ქ. N113).

პაატა ყულიაშვილი

დმანისის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

